

craft vnd macht haben, gleicherweys als all drey vorgevant herren do bey weren, so sülle wir im vnd seyn erben das — forwerg mit all seynen czugehörungen abtreten vor vnserm herren dem kōnige zu Behemen vnd dor czu beholfin seyn des besten wir kñnnen adir mögen, das ym die lehen getan werden adir wem hers vor-kavfte adir wer den brif mit seynem guten willen hot von vnserm herren dem kōnige czu Behemen adir wer die lehin von rechtis wegin tvn zal. Auch gelobe wir — ym vnd seynen erben, — die selben guter vnd all vnser erben vnd nachkomlinge nymmer mer an czu sprechen vnd an czulangen das vorgevant forwerg mit all seynen czugehörungen —. Vnd das der brif mit allen oben geschreben stücken vnd artikeln vnd vorbyndungen gancz vnd stete gehalten werden, habe wir vorgevanten brüder von Coldicz vnser ingesigele wissentlich an disen brif gehangen, vnd czu merunge diser geczevknisse habe wir gebeten czu eynem woren bekentnūs vnd geczevknūs die erbern vnser liben getrewen manne Hannus Tefel czu der czeit hauptman uf den Graupen vnd Friderich von Mōgeleyn, das die auch ire ingesigele haben an disen offen brif gehangen. Vnd wir erstgenanten Hannus Tefel czu der czeit hauptman uf den Graupen vnd Friderich von Mōgeleyn bekennen, das wir durch gebete wille der oben geschreben vnser herren von Coldicz vnser ingesigele der oben geschreben sachen allen czu geczevknūs an disen offen brif han gehangen, der gegeben ist noch Cristis geburt vyrczenhvndirt iar dor noch in dem andern iare an dem nesten donerstage noch mitvaste.

Nach dem Orig. im Rathsarchiv zu Pirna mit den beschädigten Siegeln des Albrecht und Jörgs von Colditz und des Hannus Teufel an Pergamentstreifen. Die Siegel Thimo's v. C. und Friedrichs v. Mügeln sind abhanden gekommen.

No. 63. 1402. 9. Mai.

Markgraf Wilhelm gelobt unter Bürgenstellung dem gestrengen Ulemann von Mühlbach auf Liebenthal 1000 Schock Groschen auszuzahlen für den Fall, dass er das Schloss Pirna in seine Gewalt bringen würde.

Wir Wilhelm von gotis gnaden margrafte czu Missen vnd lancgraffe in Doringin bekennen offentlichin vnd tun kund mit disem brieffe allen den, die yn sehın ader horen lesen, daz wir vns mit dem gestrengin Vlemanne von Molbach czu Libental^{a)} gesessin vnderret habın vnd eyn wordin syn also, vff welchin tag er vns Pirne daz sloz inentwertet ader schigket, daz vns ader den vnsern von vnser wegin daz inwerde vnd dez mechtig syn, daz wir ym denne innewendig achtagin darnach vnuorezogelichin tusend schog groschin vff dem slosse Libental gutlichin gebin vnd bezalen sullen vnd wollin; daz reden vnd globin wir dem selbin Vlemanne von Molbach vnd ym czu getruwir hand dem gestrengin Gerharde von Kyntsch synem eydem in gutin truwin czuhalden ane allirleye intrag hindernis vnd geferde. Vnd seczczin yn dauor czu burgen die gestrengin vnser liben getruwin ern Offen von Sliwin, ern Hugold von Slynicz vnd ern Otten Pflug, die vor vnd mit vns reden vnd globin, die vngnantin tusend schog groschin czubezalen vff sulche cziid alz vorgeschrebin steit.

^{a)} Liebenthal, Par. Porschendorf.